

ԳԻՏԱԿԱՆ ՆՍՏԱՇՐՋԱՆՆԵՐԻ ՆՎԻՐՎԱԾ Ա. Ֆ. ՄՅԱՍՆԻԿՅԱՆԻ
ԾՆՆԴՅԱՆ 90-ԱՄՅԱԿԻՆ

Փետրվարի 4-ին Երևանում տեղի ունեցավ ՍՄԿԿ Կենտկոմին առընթեր մարքսիզմ-լենինիզմի ինստիտուտի հայկական մասնաճյուղի, Հայաստանի դիտությունների ակադեմիայի և Երևանի պետական համալսարանի համատեղ նստաշրջանը՝ նվիրված կոմունիստական կուսակցության և սովետական պետության ականավոր գործիչ, աննկուն լենինյան, հայ ժողովրդի արժանավոր զավակ Ա. Ֆ. Մյասնիկյանի ծննդյան 90-ամյակին:

Նստաշրջանը բացեց ՀՍՍՀ ԳԱ ակադեմիկոս Դ. Բ. Ղարիբջանյանը: Նա Ալ. Մյասնիկյանին բնութագրեց որպես ականավոր կուսակցական, պետական և զինվորական գործիչ, որին շափազանց բարձր են գնահատել Վ. Ի. Լենինը և կուսակցության նշանավոր գործիչները: Գ. Ղարիբջանյանը շեշտեց Ալ. Մյասնիկյանի ինտերնացիոնալիզմը, ատելությունը ազգայնականության հանդեպ, նրա վաստակը Սովետական Հայաստանում տնտեսության, գիտության ու մշակույթի զարգացման գործում: Վերջում նա անդրադարձավ Ալ. Մյասնիկյանի հիշատակը հավերժացնելու ուղղությամբ ձեռնարկված միջոցառումներին:

«Ա. Ֆ. Մյասնիկյանը կուսակցական և պետական գործիչ» թեմայով զեկուցեց պատմական գիտությունների դոկտոր Ա. Ն. Մնացակաճյանը: Նա ասաց, որ Ալ. Մյասնիկյանը 1904 թ. ընդգրկվելով հեղափոխական շարժման մեջ, 1906 թ. ընդունվեց ՌՍԴԲԿ շարքերը և մինչև իր կյանքի վերջը հավատարմորեն ծառայեց կուսակցության վեհ գործին:

Առաջին համաշխարհային պատերազմի տարիներին զորակոչվելով ցարական բանակ, նա խորանում է ռազմական արվեստի մեջ, աճում ու կոփվում է որպես մարտիկ-բոլշևիկ և որպես ռազմական գործին գիտակ հրամանատար:

Հսկայական է Ալ. Մյասնիկյանի դերը Բելոռուսիայում սովետական իշխանության հաղթանակի և Բելոռուսիայի կոմունիստական կուսակցության ստեղծման գործում: Նա Բելոռուսիայի կոմունիստական կուսակցության Կենտրոնական բյուրոյի և Բելոռուսիայի Կենագործկոմի առաջին նախագահն է: Զեկուցողը բերեց բազմաթիվ փաստեր, որոնք հավաստում են երիտասարդ բելոռուսական հանրապետության և նրա կոմունիստական կուսակցության ամրապնդման գործում Ալ. Մյասնիկյանի խաղացած անգնահատելի դերը:

1919 թ. մարտի սկզբին, սպիտակազվարդիականների՝ դեպի Մոսկվա կատարած առաջխաղացման ծանր օրերին Ալ. Մյասնիկյանը աշխատանքի է ուղարկվում կուսակցության Մոսկվայի կոմիտե՝ որպես ռազմական կազմակերպիչ, որին ենթարկվում էր Մոսկվայի կայագորը: 1919 թ. սեպտեմբերի 27-ին նա ընտրվում է կուսակցության Մոսկվայի կոմիտեի քարտուղար և մեր հայրենիքի մայրաքաղաքի համար այդ դժվարին օրերին եռանդուն կուսակցական-պետական ու զաղափարական գործունեություն ծավալում:

Ալ. Մյասնիկյանը, ասաց զեկուցողը, միշտ հետևում էր Հայաստանում և Անդրկովկասում տեղի ունեցող իրադարձություններին, հետաքրքրվում էր իր մայր ժողովրդի ճակատագրով և կյանքով: Եվ պատահական չէ, որ երբեք այն ժողովրդի համար ծանր օրերին կուսակցության Կենտկոմը որոշեց Ալ. Մյասնիկյանին ուղարկել Հայաստան, նա անմիջապես շտապեց այնտեղ: Մեկնելուց առաջ նա հանգամանալից գրույց ունեցավ Վ. Ի. Լենինի հետ: Այդ պրուցիի արդյունքն է Վ. Ի. Լենինի պատմական նամակը՝ ուղղված Կովկասի կոմունիստներին, որը տեղ հասցրեց Ալ. Մյասնիկյանը: 1921 թ. մայիսի 4-ին՝ Ալ. Մյասնիկյանը եկավ Երևան և ձեռնամուխ եղավ հանրապետության Հեղկոմի նախագահի պարտականությունների կատարմանը, հանդիսանալով Հայաստանում կուսակցական-պետական աշխատանքի ընդհանուր ղեկավարը: 1921 թ. նա հաստատվեց ՀՍՍՀ Ժողկոմսովետի նախագահ, ռազմական ժողկոմ և կուսակցության կովկասյան բյուրոյի Կենտկոմի անդամ:

Ալ. Մյասնիկյանը, շարունակեց զեկուցողը, մեծ երախտիք ունի նաև Անդրկովկասի ժողովուրդների եղբայրական բարեկամության ամրապնդման, Անդրֆեդերացիայի կազմավորման գործում: Անդրֆեդերացիայի կազմավորումից հետո (1922) նա ընտրվեց Ֆեդերացիայի Միութենական խորհրդի նախագահ, ապա՝ կուսակցության Անդրերկրկոմի առաջին քարտուղար: Ալ. Մյասնիկյանի ավանդը նշանակալից է նաև ՍՍՀՄ կազմավորման գործում, որի Անտագործկոմի նախագահության անդամն էր մինչև կյանքի վերջը՝ 1925 թ. մարտի 22-ը: Վերջում Ա. Մնացականյանը ասաց, որ Ալ. Մյասնիկյանը ոչ միայն խոշոր կուսակցական և պետական գործիչ էր, այլև մարքոիզմ-լենինիզմի տաղանդավոր պրոպագանդիստ, գրականագետ, հայ հասարակական մտքի ականավոր ներկայացուցիչ:

Պատմական գիտությունների դոկտոր Ա. Հ. Հաբուբյունյանի զեկուցման թեման էր «Ա. Ֆ. Մյասնիկյանի զինվորական գործունեությունը»: Ալ. Մյասնիկյանին, ասաց նա, իրավամբ կարելի է համարել սովետական պետության զինված ուժերի հիմնադիրներից ու կազմակերպիչներից մեկը: Նրա եռանդուն ու բազմակողմանի գործունեությունը ռազմական շինարարության բնագավառում սկսվել է Հոկտեմբերյան հեղափոխությունից առաջ և շարունակվել մինչև նրա բովանդակալից կյանքի վերջը: Զինվորական մասսաների շրջանում ունեցած հսկայական հեղինակությունը և հեղափոխության գործին անսահման նվիրվածությունը Ալ. Մյասնիկյանին հնարավորություն տվեցին Արևմտյան ռազմաճակատի II համագումարում (որի նախագահն էր նա) ընտրվելու Արևմտյան, իսկ հետո նաև Հարավ-արևմտյան ռազմաճակատների գլխավոր հրամանատար: Նա եղել է նաև Արևելյան ռազմականատի գլխավոր հրամանատար: Ալ. Մյասնիկյանը մեծ դեր է խաղացել նաև Մոզրի շրջանում տեղակայված ցարական հին զորակայանի շախջախման գործում, որը փորձում էր հակահեղափոխության բուլջ գառնալ: Այնուհետև Ալ. Մյասնիկյանը նշանակվում է Գերագույն գլխավոր հրամանատարի տեղակալ, 1919 թ. զեկտեմբերին՝ պաշտոնակատար: Ա. Հ. Հաբուբյունյանը բազմաթիվ օրինակներով ցույց տվեց, թե Ալ. Մյասնիկյանը ինչպիսի հետեվողականությամբ ու կրքոտությամբ էր պաշտպանում նոր բանակի ստեղծման լենինյան պլանը, համարձակորեն վեր հանում այդ գործում թույլ աբրված սխալները: Ալ. Մյասնիկյանն ակտիվորեն մասնակցել է Կարմիր բանակի մարտական կանոնադրերի և ուղեցույցների մշակմանը, գրել ռազմական

շինարարության հարցերին նվիրված բազմաթիվ արժեքավոր հոդվածներ։ Այս գեկուցողը պատմեց Մոսկվայում և հատկապես Հայաստանում Ալ. Մյասնիկյանի ծավալած անխոնջ զինվորական գործունեության մասին։ Վերջում Ա. Հ. Հարությունյանն ընդգծեց, որ ի դեմս Ալ. Մյասնիկյանի մեր կուսակցությունը, սովետական ժողովուրդը և նրա զինված ուժերը ունենին երկրի ռազմական շինարարության բոլոր բնագավառներում տեսական և պրակտիկ ամենակատիվ մասնակցություն հանդես բերած ականավոր գործիչ։

«Ա. Ֆ. Մյասնիկյանի գրականագիտական ժառանգությունը» թեմայով գեկուցում կարդաց բանասիրական գիտությունների թեկնածու Գ. Ա. Սարգսյանը։ Նա ասաց, որ հավատարիմ լենինյան Ալ. Մյասնիկյանն իր կուսակցական, պետական և զինվորական գործունեությանը զուգընթաց զբաղվել է նաև գրական-հրապարակախոսական աշխատանքով և խոշոր ավանդ ներդրել հայ մարքսիստական գրաքննադատության մեջ։ Սկսած 1906 թ.՝ Ալ. Մյասնիկյանը հանդես է եկել որպես հրապարակախոս-քննադատ և շուրջ երկու տասնամյակ իր գրիչը ծառայեցրել է նոր կյանքի կառուցման համար մղվող պայքարին։ Առանձնապես արժեքավոր են նրա մտքերը Մ. Նալբանդյանի ու նրա ժամանակի, Ս. Նազարյանի ու Գ. Արծրունու, ինչպես նաև անցյալ դարի 80—90-ական թվականների արևելահայ պոեզիայի և նրա ականավոր ներկայացուցիչներ Հ. Հովհաննիսյանի, Ա. Մատուրյանի և Հ. Թումանյանի վերաբերյալ։

Գ. Սարգսյանը հատկապես լայնորեն լուսաբանեց Ալ. Մյասնիկյանի հետհոկտեմբերյան շրջանի գրաքննադատական գործունեությունը։ Պաշտպանելով նոր, պրոլետարական-սոցիալիստական գրականության իրավունքը և հոգատարությունը շրջապատելով նրա առաջին շինարարներին (Հ. Հակոբյան, Ե. Չարենց և այլն), Ալ. Մյասնիկյանը միաժամանակ վեր հանեց ու գնահատեց հայրենական մշակույթի առաջադիմական ավանգույթները, որոնց քննադատական յուրացումն ու օգտագործումը սովետահայ մշակույթի զարգացման գլխավոր նախապայմաններից մեկն է։

Վերջում գեկուցողը անգրադարձավ Ալ. Մյասնիկյանի գրականագիտական ժառանգության արդիական նշանակությունը և ցույց տվեց նրա կարևոր դերը սոցիալիստական կուլտուրայի զարգացման համար մղվող պայքարում։ Նստաշրջանի արգյունքներն ամփոփեց Գ. Ղարիբջանյանը։

Ա. Ի. ՇԱՀԵԱԶԱՐՅԱՆ